



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 44. Mathiæ Flacii Illyrici interitus.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI
A C. 1575.

quingentesimo sexagesimo octavo. Postmodum Vigorius sese dogmaticis controversiis penitus dicare statuerat, ac polemicos sermones edidit Rotomagi, Metis, Ambiani, & Parisiis, ubi Deus ad plurimos veræ fidei reddendos ubique sui Ministri opera utebatur: tum demum evangelicis hisce spoliis locupletatus Parisinæ Ecclesiæ Theologus, ac postea Caroli IX. Regis Concionator eligebatur, anno autem Redemptionis nostræ millesimo quingentesimo septuagesimo post obitum Francisci Pisani Cardinalis ad Narbonensem Archiepiscopatum ad ejusdem Regis preces nominabatur, ac vix inauguratus confestim ad suam Diæcesin contendit, ubi per integros sex annos Apostolico muneri haud minori cum fructu, quam alibi vacabat, ac denique hoc anno die prima Novembris Carcassonæ obiit, ac reliquit suorum sermonum typis impressorum septem volumina, in quibus pro quadragesima, Sanctissimi Sacramenti octiduo, & pro diebus Dominicis præter alias orationes etiam Evangelii explicationes continentur.

§. XLIV.

Matthiæ Flacii Illyrici interitus.

Thm. l. 61.

Ex Protestantibus Scriptores nonnulli hoc anno defuncti numerantur, quos inter

inter primus est Matthias Flaccius Illyricus inter Confessionis Augustanæ Theologos facile quidem celeberrimus, sed infensissimus summorum Pontificum hostis. Hic Albonæ in Istria die tertia Martii anno Christi millesimo quingentesimo vigesimo natus Venetias contendit, ibidem sub Egnacii Magisterio studiis operam daturus, confectoque Philosophiæ curriculo sese Theologicis disciplinis impendere statuit: at ob inopiam Universitates frequentare præpeditus Religiosorum institutum amplecti decrevit, cuique animi propositum cuiusdam Fratrum Minorum Provinciali manifestavit, a quo tamen absterritus, atque illius ævi hæresibus imbutus ex ipsius suasu in Germaniam secessit. Ceterum hic Franciscus vocabatur Baldus Lupatinus, de quo Melchior Adamus scribit, quod post viginti annorum carceres Venetiis in mare projectus fuerit. Porro Illyricus hujus miseri consilium secutus anno reparatæ salutis millesimo quingentesimo trigesimo nono Basileam venit, ac post aliquot mensium lapsum in Turingiam, inde vero Anno Christi millesimo quingentesimo quadragesimo primo Wittembergam secessit, ubi se Lutheri, ac Melanchtonis Discipulum profitebatur, vitamque suam græcam, & hebraicam linguam tradendo sustentabat:

Sæcul. XVI.
A.C. 1575.

Melch. Ad.
vi. Germ.
Theol. p.
472.

Micræslus
Syntag. hist.
Ecccl. p. 751.
827. & seq.

Sæcul. XVI.
A.C. 1575.

tabat: mox autem ibidem ducta con-
juge in Academia publico Professoris
munere Anno Domini millesimo quin-
gentesimo quadragesimo quarto auctus
est; attamen Scholaribus ob belli tu-
multus e Saxonia auffugere compulsis
Brünsvicum secessit, ubi suis lectioni-
bus celebrem sese reddebat, pace au-
tem restituta Wittembergam reversus
pristinum obibat officium circa annum
Domini millesimum quingentesimum
quadragesimum septimum.

Sub idem tempus Illyricus Carolo V.
Cæsari, qui tum suum *Interim* publici
juris fecerat, sese vehementer oppone-
bat, & quamvis a Melanchtone Magistro
suo maximis benevolentiae, ac liberali-
tatis testificationibus receptus fuisset,
cum illo tamen dissidia fovens semper
eidem restitit: unde Magdeburgum,
quæ urbs tum Cæsareo edicto proscripta
erat, secedere coactus, ibidem plura
edidit opera, ex quibus magis celebra-
tur monstrum illud historiæ Ecclesia-
sticæ, quæ sub Centuriarum Magde-
burgensium nomine in lucem prodit,
ad quod opus Illyricus potissimam ope-
ram contulit: Anno autem Salvatoris
nostri millesimo quingentesimo quinqu-
agesimo septimo officium in nova Je-
nensi Academia sibi oblatum accepta-
bat, ibidemque per quinque annos li-
teras

Sæcul. XVI.
A.C. 1575.

teratradebat, postea autem, cum rursus cum Victorino Strigelio sui Magistri socio collideretur, Ratisbonam aufugit, ubi plures adhuc libros typis vulgabat. Demum anno a partu Virginis millesimo quingentesimo sexagesimo septimo cum ceteris in Brabantiam, ut ibidem Confessionis Augustanæ Ecclesias erigeret, evocabatur: at hiis conventiculis mox dissipatis Argentinam, & dein Francofordiam perexit, desertus a suorum fautorum potissimis, qui eum Manichæorum erroribus infectum credebant, eo quod peccatum non esse accidens, sed ipsam animæ nostræ substantiam tradidisset, ac sese omnibus immiscuisset discordiis, quæ inter Augustanæ Confessionis Defensores exoriebantur: tandem vero anno post Christum natum millesimo quingentesimo septuagesimo quinto die undecima Martii Francofordiæ periit.

Ceterum Vir erat eximiis animi dotibus ornatus, atque ingenii ubertate, & scientiarum amplitudine insignis, sed turbidæ, & vehementis indolis homo, unde immoderata sua acerbitate, quam in disputationibus exerebat, gravissimos inter Protestantes tumultus concitabat, atque a Melanctone redarguebatur, eo quod tradere non erubisset, Principes seditionis

Hist. Eccles. Tom. XLIX.

U metu

Sæcul. XVI.
A. C. 1575.

Melanct.
ep. 107.
pag. 134.
Guil. Bud.
cent. 17.

To. XLIII.
lib. CLV.
s. LI. pag.
634.

metu in officio esse continendos. Scripsit Illyricus libros quam plurimos, ac præ ipso nullus suo ævo ex Bibliothecis, quas lustrabat, uberius compendium hausisse videtur, unde etiam collegit veterem Missam, quæ sub nomine *Missa latinæ* Anno restauratæ salutis millesimo quingentesimo quinquagesimo septimo Argentinæ literis Christophori Mylii excusa prodiit, uti alibi memoravimus: insuper ex hisce librorum officinis plura extrahebat monumenta, quibus ad componendum suum *Catalogum Testium veritatis* utebatur, cui tamen libro Eifengreinius alium sub eodem titulo opposuit: ceterum sacre Scripturæ clavis, quam idem Illyricus scripserat, ceteris ejusdem elucubrationibus palmam eripit.

§. XLV.

Henrici Bullingeri fata.

Simler in
vita Bulling.
Thuan. l. c.
Melchior l. c.

Alter Protestantium Scriptor hoc anno vivis ereptus vocabatur Henricus Bullingerus, Tigurinus Zwinglianæ hæresis Minister Bremgardiæ exiguo oppido in Tigurini Pagi finibus sito die decima octava Julii anno a Christi Nativitate millesimo quingentesimo quarto natus. Is duodecimum ætatis suæ annum emensus Emericam Cliviensis ditionis urbem mittebatur, ut ibidem humaniores